

Kluster baharu catat peningkatan - KP Kesihatan

Oleh Rafidah Mat Ruzki - Januari 3, 2022 @ 9:15pm
fidahruzki@bh.com.my



Ketua Pengarah Kesihatan, Tan Sri Dr Noor Hisham Abdullah. - Foto BERNAMA

PUTRAJAYA: Kementerian Kesihatan (KKM) mengesan peningkatan sebanyak 33.3 peratus kluster baharu jangkitan COVID-19 di negara ini pada Minggu Epidemiologi (ME) ke-52, berbanding ME ke-51.

Ketua Pengarah Kesihatan, Tan Sri Dr Noor Hisham Abdullah, berkata peningkatan ketara itu bagi kategori kluster tempat kerja dan kluster import, manakala kategori kluster lain menunjukkan penurunan kecuali kluster komuniti dan pusat tahanan yang kekal statik pada ME ke-52.

"Peningkatan kluster tempat kerja ini menunjukkan pematuhan kepada prosedur operasi standard (SOP) masih lagi di tahap yang rendah.

"Hal ini tidak seharusnya berlaku memandangkan masyarakat di negara ini sepertutnya sudah cakna kepentingan SOP dalam memutuskan rantaian COVID-19," katanya dalam satu kenyataan media hari ini.